

229804

武部工字

卷一九四六 蘸字等

卷一九四七 站字

卷一九四八 站字

卷一九四九 站字

永樂大典

百七三



永樂大典卷之一萬九千四百十六

二十二勅

蘸

洪武正韻莊陷切以物淬水中許慎詩文韻以物浸水也此蓋俗語从竹未詳斬陷切顧野王玉篇側陷切以物內水謂之蘸楊桓六書

統照母蘸統解蘸隸熊忠韻會舉要次商清音趙謙聲音文字通照監切以物浸水中使出也此蓋俗語用斬通此續叔且从草無甚意義从照聲不諧韻會定正字篆

蘸

集韻見杜从古

蘸

徐鉉

蘸

六書

統

隸書蘸

草書

蘸

並張

錦漢

蘸

鮮于樞並見

草書集韻

霰

莊陷切顧野王玉篇阻礙切水也

𪔐

莊陷切顧野王玉篇竹戒切鹹也陸法言廣韻陟陷切鹹多也楊桓六書統照母

篆

𪔐

六書統

𪔐

莊陷切顧野王玉篇丁陷切別齒司馬光類篇陟陷切楊桓六書統照母𪔐从齒古聲𪔐隸字漆倚義嗣同上

篆 齒 六書

統 書 齒 六書

霽

莊陷切陸法言廣韻子鑑切以物內水中出音諧楊
祖六書統照母霽說見韋韻牀母字溱博義阻俄切

書 霽 六書

覓

莊陷切陸法言廣韻子鑑切司馬光類篇側街切避也釋行均龍龕手鑑
子鑑疾陷二反覓傲高危貌也傲音許鑑反韓道昭五音類聚側鑒切逕

也楊桓六書統照母

篆 覓 六書

統 書 覓 六書

暫

莊陷切陸法言廣韻子鑑切長面貌又昨
三切楊桓六書統照母暫說見韋韻从母

篆 暫 六書

汜

莊陷切陸法言廣韻陟陷切江岸上地名也宋重脩廣韻地名出活
州記楊桓六書統照母汜从水从土从口岸間土口也汜同上汜

篆 汜 六書

站

莊陷切陸法言廣韻陟陷切俗言獨立又作𡵓下度集韻站或从人
作佔釋行均龍龕手鑑知陷反站立也楊桓六書統照母站久立也

餘見車韻知母帖。日七。餘見鹽韻端

母字漆傳義至竹威切坐立不動貌

書帖

集韻見杜古

集韻古文韻海

並六

站赤

丹輝獨對站赤

孟子曰遠於置郵而傳命註曰郵驛也即今

之驛馬也如漢五里一置也左傳楚子乘駟會師如漢以拘

臂天馬而征羗夷唐以荔枝而通嶺海之貢傳車之交且若星火是也元

設立水站馬站其馬足船隻皆係品從非理乘驛者有禁應合給驛者有

程正官宿頻分例米一升麪一斤羊肉一斤酒一升柴一束油鹽雜支

鈔三分從人每米一升經過皆減半選保站官長官提調法至良也照

刷祇應體覆消乏意至美也天曆詔站戶消乏仰廉訪司依例體覆明白

隨即補養諸衙門營私馳驛就便糾治佛家奴隸世祖龍興為驛傳不

可不講遼有站赤之置其設法也有馬站有水站有車站有江船站水站

馬站則通客旅車站江站則通貨則養馬一匹則為田三千畝水站江站

半之北方諸站則驗等畜之多者應之南方諸站則驗田畝養之每十五

里為一郵亭每六十里為一候館上有通政以掣其綱下有郡縣以贊其

力而又有脫脫木孫以驗使命之真偽北方諸站則置驛令南方諸站則

設提領凡百戶人夫庫子庖丁廝養俱有定額歲處則備於帳帳器什則

急於已獲。際留谷粟。滋生鷄糞。以為使官之供。上都大都大駕鏗行。每遇
巡幸。則先給官資。米嘗不為站戶惜也。元史兵志站赤。元制站赤者。驛
傳之譯名也。蓋以通達邊情。布宣號令。古人所謂置郵而傳命。未有重於
此者焉。凡站陸則以馬。以牛。或以驢。或以車。而水則以舟。其給驛傳。置書
謂之鋪馬。聖旨通軍務之急。則又以金字圓符為信。銀字者次之。內則掌
之天府。外則國人之為長官者主之。其官有驛令。有提領。又置脫脫。亦孫
於闐會之地。以司辨詰。皆總之於通政院。及中書兵部。而站戶闕乏。逃亡
則又以時食補。且如販郵馬。於是四方往來之使止。則有館舍。頻則有供
飯。饑渴則有飲食。而梯航畢達。海宇會同。元之天下。視前代所以為極盛
也。今故著其驛政之大者。然後紀各省水陸凡若干站。而達東徇站。亦因
以附見云。太宗元年十一月。敕諸牛鋪馬站。每一百戶置漢車一十具。
各站俱置米倉。站戶每年一牌內納米一石。令百戶一人掌之。北使臣每
日支肉一斤。麪一斤。米一升。酒一瓶。四年五月。諭隨路官。凡站赤人
等。使臣無牌面文字。始給馬之驛官。及元官皆罪之。有文字牌面而不給
驛馬者。亦論罪。若係軍情急達。及送納顏色絲線酒食米粟。致沿鷹準
但係御用諸物。雖無牌面文字。亦驗數應付車牛。世祖中統四年三月。

中書省定議乘生驛馬長行馬使臣從令及下文字戔刺解子人等分例
乘驛使臣換馬廐正使臣支粥食解渴酒從人支粥宿頓處正使臣白米
一升麪一斤酒一升油鹽雜支鈔一十文。冬月一行日支炭五斤十月一
日為始正月三十日終住支從人白米一升麪一斤長行馬使臣齋聖旨
令旨及省部文字幹當官事者其一二居長人負支宿頓分例次人與粥
飯仍支給馬一匹草一十二斤料五升十月為始至三月三十日終止白
米一升麪一斤油鹽雜用鈔一十文投呈公文戔刺解子休部擬宿頓處
批支五月雲州設站戶取遼南州城站戶籍內選堪中上戶應當馬站戶
馬一匹牛站戶牛二隻於各戶選堪當站役之人不問親鄰每戶取二丁
及家屬於立站去處安置。五年八月詔站戶貧富不等每戶限四項除
免稅石以供鋪馬祇應已上地畝全納地稅。至元六年二月詔各道憲
司如總管府州每道給鋪馬劄子三道。七年正月省部官定議各路總
府在城驛設官二員於見役人負內選用州縣驛設頭目二名如見役人
即是相應站戶就令依上任事不係站戶則就本站馬戶內別行選用除
脫脫木孫依舊存設隨路見設總站官罷之十一月立諸站都統領使司
往來使臣令脫脫木孫盤問。八年正月中書省議鋪馬劄子初用蒙古

字各處站赤未能盡識宜繪畫馬匹數目復以省印覆之庶無疑惑因令今後各處取給鋪馬標附文籍其馬匹數付驛吏房書寫畢就左右司用墨印印給馬數目省印印訖別行附籍發行墨印左右司封掌九年八月諸站都統領使司言朝省諸司局院及外路諸官府應差馳驛使臣所齎劄子從脫脫木孫辨詰無脫脫木孫之處令總管府驗之十一年十月命隨處站赤直隸各路總管府其站戶家屬令元籍州縣管領十三年正月改諸站都統領使司為通政院命降鑄印信十七年二月詔江淮諸路增置水站除海青使臣及事干軍務者方許馳驛餘者自濟州水站為始並令乘船往來十八年閏八月詔除上都榆林迤北站赤外隨路官錢不須支給驗其開創量增站戶協力自備首思當站十九年四月詔給各處行省鋪馬聖旨楊州行省鄂州行省泉州行省隆興行省占城行省安西行省四川行省西夏行省甘肅行省安省五道南方驗田糧及七十石者准當站馬一匹九月通政院臣言隨路站赤三五戶共當正馬一匹十三戶供車一輛自備一切什物公用近年以來多為諸王公主及正官太子位下頭目識認招攷或冒入役下戶計者遂致站赤損弊乞換補站戶從之十月增給各省鋪馬聖旨西川京兆泉州十道甘州中興

各五道。二十年二月和林宣慰司給鋪馬聖旨二道。江淮行省增給十
 道。都省遣使繁多亦增二十道給之。七月免站戶和顧和買一切雜泛差
 役。仍令自備。首思十一月增給甘州行省鋪馬聖旨十道。總之為二十道。
 十二月增各省及轉運司宣慰司鋪馬聖旨三十五道。江淮行省十道。四
 川行省十道。安西轉運司分司二道。荆湖行省所轄湖南宣慰司三道。福
 建行省十道。二十一年二月增給各處鋪馬劄子荆湖占城等處本省
 一十道。荆湖北道宣慰司二道。所轄路分一十六處。每處二道。山東運司
 二道。河間運司七道。宣德府三道。江西行省五道。福建行省所轄路分七
 處。安慶二道。司農司五道。四川行省所轄順元路宣慰司三道。恩州橋州
 兩處宣撫司各三道。都省二十道。四月定增使臣分例。正使宿領支米一
 升。麪一斤。羊肉一斤。酒一升。柴一束。油鹽雜支增鈔二分。通作三倉。經過
 減半。從者每名支米一升。經過減半。九月給阿黑海牙所治之省鋪馬聖
 旨十道。所轄宣慰司二處。各三道。二十二年四月給陝西行省并各處
 宣慰司行工部等處鋪馬劄子一百二十六道。二十三年四月福建東
 京兩行省各給圓牌二面。奧魯赤出使文陞先給圓牌二面。今再增二面。
 於脫歡太子位下給發。南京行省起馬三十四。給圓牌二面。初立三處宣

慰司給劄子起馬三十匹。二十四年四月。增給尚書省鋪馬聖旨一百五十道。并先給降一百五十道。共三百道。五月。揚州省言徐州至揚州水馬站兩各分置。夏月水潦。使臣勞苦。請徙馬站附併水站一處。安置驛。者。白日馬行。夜則經由水路。況站戶皆是水濱。居止者庶幾。官民兩便。從之。七月。給中興路陝西行省廣東宣慰司沙不丁等官鋪馬聖旨一十三道。二十五年正月。腹囊路分三十八處。年銷祇應錢不敷。增給鈔三千九百八十一錠。併元額七千一百六十九錠。總中統鈔一萬一千一百五十錠。分上下半年給降。二月。命南方站戶以糧七十石出馬一匹。為則。或十石之下。八九戶共之。或二三十石之上。兩三戶共之。惟求稅糧。僅足當站之數。不至多餘。却免其一切雜泛差役。若有納糧百石之下。七十石之上。自請獨當站馬一匹者。聽之。其稅元二十五年二月。已卯。以江南站戶貧富不均。命有司料簡合戶稅至七十石當馬一匹。並免雜稅。獨戶稅無七十石。額入站者。此合戶稅不得過十戶。獨戶稅無上百石。五月。增給遼陽行省鋪馬劄子五道。十一月。福建行省。元給鋪馬聖旨二十四道。增給劄子六道。二十六年正月。給光祿寺鋪馬劄子四道。二月。從沿海鎮守官蔡澤言。以舊有水軍二千人。於海道置立水站。其稅元二十

於二月內會商書省臣等行衆所統海船萬五千艘以新附人馬之
幾萬疎不可用宜招集乃類及勝納合兒庫散戶爲軍自泉州至杭州至
海站十五站軍船五艘水軍二百名運送名費食物及商販才貨且防禦各
道爲役殺之三月給海道運糧萬戶府鋪馬聖旨五道四月四川紹慶路
給鋪馬劉子二道成都府六道龍興行省增給鋪馬聖旨五道太原府宣
慰司及儲時提舉司給降二道八月給遼東宣慰司鋪馬聖旨五道大理
金齒宣慰司四道九月增給西安宣慰司鋪馬劉子五道江淮行省所轄
浙東道宣慰司三道紹興路總管府給降二道甘肅行省所轄亦集乃總
管府沙州肅州三路給六道十一月增給甘肅行省鋪馬聖旨七道二
十七年正月增給陝西行省鋪馬聖旨五道二月都省增給鋪馬聖旨一
百五十道江淮行省一十五道六月給營田提舉司鋪馬聖旨二道九月
江淮行省所轄徽州路水道不通給鋪馬聖旨二道 二十八年六月隨
處設站官二員大都至上都置司吏三名餘設二名祇應頭目攢典各一
名站戶及百者設百戶一名七月詔各路府州縣連魯花赤長官依軍戶
例兼管站赤與魯花奉通政院明文不得擅科差役十二月增給省除之
任官鋪馬聖旨三百五十道 二十九年三月命通政院分官四員於江

南四省整理站赤給印與之。三十年正月南丹州洞蠻來朝立安撫司於其地給鋪馬聖旨二道三月兩淮都轉運鹽使司增給鋪馬聖旨起馬五匹五月給淘金運司鋪馬聖旨起馬五匹大司農司起馬二十匹六月江浙行省言各路遞運站船若止以六戶供船一艘除苗不過十四五石力寡不能當役請令各路除苗不過元額二十四石自六戶之上或至十戶通融倉撥從之八月給劉二拔都兒圓牌三面鋪馬聖旨一十五道十月增給濟南府鹽運司鋪馬聖旨一道三十一年六月給福建運司鋪馬聖旨起馬五匹成宗大德八年正月御史臺臣言各處站赤合用祇應官錢多不依時撥降又或數少不給遂令站戶輪當庫子陪備應辦莫若驗使臣起數實支官錢所在官司依時撥降令各站提領收掌祇待毋得科配小民似為便益詔都省定議行之十年從江浙省言命站官仍領祇待遞站戶之有餘糧者以充庫子止設一名上下半年更代就准本戶里正主首身役武宗至大三年五月給嘉興松江瑞州三路及津梁等處管民總管府鋪馬聖旨各三道四年三月詔拘收各衙門鋪馬聖旨命中書省定議以聞省臣言始者站赤隸兵部後屬通政院今通政院怠於整治站赤消乏合依舊命兵部領之制可四月中書省臣又言昨奉

旨以站赤屬兵部今右丞相鐵木迭兒等議漢地之驛命兵部領之其鐵
烈于納隣木隣等處蒙古站赤仍付通政院帝曰何必如此但今羅通政
院悉隸兵部可也閏七月復立通政院領蒙古站赤八月詔大都至上都
每站除設驛令丞外設提領三員司吏三名腹裏路分衝要害水陸站赤設
提領二員司吏二名其餘閑慢驛分止設提領一員司吏一名如無驛令
量擬提領二員每一百戶設百戶一名從拘該路府州縣提調正官於站
戶內選用三歲為滿凡濫設官吏頭目人等盡罷之十一月給中政院鋪
馬聖旨二十道 仁宗 皇慶二年四月增給陝西行臺鋪馬聖旨八道六
月中書省臣言典瑞監掌金字圓牌及鋪馬聖旨三百餘道至大四年凡
聖旨皆納之于翰林院以金字圓牌不數增置五十面蓋圓牌遺使初為
軍情大事而設不宜濫給自今求給牌面不經中書省樞密院者宜勿與
從之 延祐元年十月沙瓜州立七儲總管萬戶府給鋪馬聖旨六道
五年十月中書兵部言各站設置提領止受部劄行九品印職專車馬之
役所領站赤多者三二千少者五七百戶比之軍民體非輕細奈何俸祿
不給三年一更貪邪得以自縱今擬各處館驛除令丞外見役提領不許
交換後之 七年四月詔蒙古漢人站依世祖舊制悉歸之通政院十一

月從通政院官請詔嚴禁江南漢地站赤依舊制命各路達魯花赤總管提調州縣官勿得預。泰定元年三月遣官賑給站里于木憐納憐等一百一十九站鈔二十一萬三千三百錠糧七萬六千二百四十四石八斗。北方站赤每加津濟至此為最盛。四川行中書省所轄陸站四十八處馬九百八十六匹牛一百五十頭。水站八十四處船六百五十四隻。牛七十六頭。雲南諸路行中書省所轄站赤七十八處。馬站七十四處馬二千三百四十五匹牛三十隻。水站四處船二十四隻。甘肅行中書省所轄三路脫脫赤孫馬站六處馬四百九十一匹牛一百四十九頭驢一百七十一頭羊六百五十口經世大典站赤者國朝驛傳之名也凡站者皆作無陸則以馬以牛或以驢或以引車水則以舟其應給驛者皆以票書而軍務大事之急者又以金字圓符為信錄字者次之其符信皆天府掌之其出給在外者皆國人之為官長者主之他官不得與也馬數多寡視官品高下公事大小止則有館舍領則有供帳饑渴則有飲食事畢則以符信歸諸所受之府不敢三日稽也祖宗之法至如今守之其官為驛令小者皆設提領又置脫脫赤孫於都會關要之地以詰其姦偽總之以通政院中書兵部站戶有闕乏逃亡者則以時而僉完周卹之

我國家疆理之大東漸西被暨于胡南凡在屬國皆置驛傳星羅棋布聯絡通朝令夕至聲聞畢達此又總綱挈維之大機也遼東大站亦附見云 太宗皇帝元年己丑十一月十五日聖旨戒飭諸牛鋪馬站大意若曰若有起驛馬者驗之如無牌而文字其始初給馬之驛官徒二年杖七十九差官斷按答奚罪有文字牌面而不給馬者驛官亦坐罪除顏色絲線酒米官中殿與係官物外不得與驛馬事件每一百戶站置漢車一十具各站俱起米倉站戶每年一牌內納米一石粳今百戶一人用車牛送與商賈作客之人勿驛驛馬違者斷按答奚罪如有送絲線顏色物料并外國使臣將禮物改匹及有急速勾當來者應付鋪馬如各驛馬牛闕少本百戶規措 是月制曰上天眷命錫皇帝之徽名大蒙古國眾寡小大罔不朝會訓之曰一乃心力其無二凡我國內黎元其聽朕命循先訓舊章積用弗成者其罪當死爾等北漢眾官暨降民凡若干先來服役忠貞者有之諂妄者有之以宿舊之故委用信任一切不須詰問爾等自以不經詰問乃謂諂妄者當如是爾勿存是心轉加恣橫如此明諭其或不悛爾等罪愆何遠之有皇帝訓諭下項 一使臣不經由鋪路往來者斷按答奚罪戾無牌子有文字往來者亦斷按答奚罪將帶隨投下牌子文字

往來人等。強要鋪馬。取要口食者。仰收捉。枷禁。擄逐。根脚。來歷。明白。端的。
緣由。至時。免致。似此。使臣人等。不為收捉。却稱。彼中騷擾。如此。奏告。來者。
官負。亦斷。按答。罪戾。仍處死。一使臣人等。每人。日支。肉一斤。麪一斤。米一
升。酒一瓶。仰如。數支。破州城。官負人等。為係。使臣。如自。願贖。獻些。小禮物。
者。聽不得。附餘。多索。仍不得。強行。乞取。如違者。斷。按答。罪戾。據上。項物。
件。不得。於。係官。課程。稅石。科差。內支。破。其差。去。使臣。若係。理分。當題。日朝。
廷。約量。給賞。四年。壬辰。五月。二十五日。聖旨。諭。隨路。官負。并。站。赤人等。
如使臣。無。牌面。文字。為始。給馬之驛。官徒。二年。杖七十。元差。官斷。按答。要
罪。有。文字。牌面。而不。給馬。亦徒。二年。杖七十。若軍情。急速。事件。及進。納顏
色。絲線。酒食。米粟。毆。匹。鷹。隼。但係。御用。諸物。雖無。牌面。文字。亦仰。驗數。應
付。鋪馬。車牛。如不應。付。亦依。上。斷罪。六月。十六日。聖旨。節。該。西京。下水
弘州。三處。置立。馬站。仰各。站。不得。令。來往。馳驛。使客。因。而。將。隨站。馬。匹。打
過。如有。過越。者。仰各。站。當管。官司。陪。償。馬。匹。據。三站。合用。馬。匹。仰。照。依。本
路。見在。戶計。一例。科着。無得。分毫。違錯。五年。癸巳。二月。五日。聖旨。據。太
原。路。達。魯花。赤。塔。塔。不花。等。奏。太原。府內。見有。達。魯花。赤。并。久住。使客。諸

投下人等取酒肉米穀數多每年該羊一千四百餘頭塔塔不花等情願
自備糧食不關祇應等物如此百姓似為容易準奏宣諭太原路舊嘗有
旨令課稅所官二員支糧餘官不令支今後往來使臣依先例應付餘
者盡行罷去其管民管匠達魯花赤若有已身糧食者放去如無每人日
支米一升如有依前亂行取酒肉米穀之人并斷按答奚罪仰塔塔不花
等抄錄御寶文寔差人齎擎就便行移十路依上一體施行 七年乙未
三月二十四日聖旨諭管站乞里合台并隨處站赤若曰據邊關急速公
事使臣簡筆何故有健馬不與令其乘車今後不得如此若依前給車遲
誤公事定是斷罪可令諸站驛人知悉 六月十七日聖旨據燕京咸得
不奏告每年進呈御酒沿路官司為無御寶文字不肯疾早應付鋪牛以
致遲滯到闕事今降御寶文字前去仰元來送酒入石林神廠堆判兒等
收此仍仰經過去處即便應付與鋪頭口者不得遲滯若因別事起要頭
口並斷按答奚罪戾 九月六日聖旨據濟南府張榮奏告經過使臣不
肯令驗降去御寶文字即取鋪馬準奏如聖旨到日除軍期急速事物并
進呈諸物人等依驗物件應付外不以為何使臣若不令看過元降文字
即取鋪馬者問其姓名聞奏治罪若看徇不驗輒給驛馬者亦罪之二

十一日奉旨闕出太子軍前使來沿路驛站斷絕令咸來兒赤剌溫等往諭西京應州崞縣忻州太原及太原至潞州的中地又潞州統于城懷州各立一站馬各二十四匹黃河岸令劉南立一站馬三十匹西京應州令竭端躬往建立太原州城八哥潞州統于城秀才懷州合思達里各躬往建立黃河渡口劉南專一勾當上項站馬別用大印烙記止令潤出太子軍前使臣騎坐其餘並不得應付如有別使欲騎給者受者並斷按答奚死罪每站須管立有心力能幹官一員提領勾當如法養飼不得死損如死逐提補數若上項委官差故仰各人名下現在官負準上勾當若有違慢並斷按答奚罪軍前來使若遇不遵是何作商賈回回人等可奪馬馳驛不與者亦斷按答奚罪九年丁酉八月二十三日奉聖旨若曰聞各路性來使臣在城別無公事不經站路走過稱有牌劄索取抵應有公事使臣到城走馬二匹或三匹却領不干礙十人二十人及牽私已馬匹取祇應草料應付諸牛馬粘糶等肉不肯食用須要羊肉祇與羊肉却又稱瘦回回使臣到城多稱不食死肉須要活羊又不肯於館驛內安下止欲於連香花赤管民官家內止宿如此刁蹬公事了畢推稱事故不肯起發除正使臣應付與鋪馬外其餘親隨鋪驢車牛遞送須要鋪馬若到前路站